



Broj: 07-08-38844-131/19
Sarajevo, 09.12.2019.godine

SKUPŠTINA KANTONA SARAJEVO

Predmet: Očitovanje na zastupničku inicijativu

Na 14. Radnoj sjednici Skupštine Kantona Sarajevo, održanoj dana 30.10.2019.godine, u okviru tačke dnevnog reda "Poslanička pitanja, inicijative i odgovori", zastupnica Vildana Bešlija pokrenula inicijativu za izradu Strategije razvoja turizma u Kantonu Sarajevo.

Inicijativa

"Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", broj 25/10, 14/11, 19/11, 7/12, 26/12) Vladi Kantona Sarajevo, tačnije Ministarstvu privrede KS upućujem inicijativu za izradu Strategije razvoja turizma u Kantonu Sarajevo.

"Obrazloženje:

S obzirom da sam ovu inicijativu podnijela 14.05.2019.g., te nisam dobila odgovor, istu ponavljam te molim da se poduzmu potrebne aktivnosti i nadam se odgovoru u što skorijem roku.

Zakonom o turizmu Kantona Sarajevo ("Službene novine Kantona Sarajevo", broj 19/16,31/17 i 34/17-Ispravka), tačnije članom 4. propisano je da se Strategija razvoja turizma Kantona Sarajevo smatra ključnim planskim dokumentom za njegovo sprovođenje.

Istim članom Zakona naznačeno je da bez izrade i provođenja Strategije razvoja turizma Kantona Sarajevo, onemogućeno sprovođenje drugih planskih koraka kao što su: marketing plan turizma Kantona Sarajevo, plan promocije turizma Kantona Sarajevo, master plan i kreiranje strategije razvoja turizma na nivou lokalne samouprave; na osnovu čega se može zaključiti da nedostatak strategije onemogućava razvoj turizma kao bitne grane privrede.

Ovom pitanju treba ozbiljno pristupiti i rješenja treba prije svega tražiti u iskustvima osoba koaj se bave turizmom. Zbog toga želim da potaknem Vladu kantona Sarajevo, Ministarstvo privrede i Tuističku zajednicu Kantona Sarajevo da krenu u realizaciju ovih aktivnosti i pokrenu proces širokih konsultacija sa navedenim pravnim i fizičkim licima.

Turizam je jedna od potencijalnih privrednih grana u KS, a odgovornost je rukovodstva Kantona da prepozna ove potencijale i da se sa njima strateški bavi, stoga ova inicijativa treba da bude početak strateškog djelovanja Vlade Kantona Sarajevo."



Odgovor:

Donošenje Strategije, kao planskog dokumenta razvoja Kantona Sarajevo, propisano je članom 58. Zakona o turizmu Kantona Sarajevo ("Službene novine KS", broj 19/16 i 31/17-Izmjene). Za stručni, kvalitetni metodološki pristup rješavanju problematike u oblasti turizma neophodna je izrada i donošenje strateške platforme za razvoj turizma (Strategija razvoja turizma), jednog od planskih dokumenata propisanih Zakonom o turizmu Kanton Sarajevo.

Izrada i donošenje Strategije, propisani su i planirani u okviru poslova i zadataka u Ministarstvu privrede u okviru Direkcije za turizam, koja je počela sa radom 21.11.2019.godine.

Formiranje i uspostava Direkcije za turizam planirana je na osnovu Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst) i predviđena Pravilnikom o unutrašnjoj organizaciji Ministarstva privrede Kantona Sarajevo („Službene novine Kantona Sarajevo”, 38/19). Svrha formiranja Direkcije je unapređenje i dalji razvoja turizma na području Kantona Sarajevo, te kvalitetnije i efikasnije praćenje ove oblasti u okviru Ministarstva privrede.

Jedan od najvažnijih početnih zadataka Direkcije za turizam je upravo izrada Strategije razvoja održivog turizma u Kantonu Sarajevo. U okviru aktivnosti Direkcije održana su dva radna sastanka (26.11. i 03.12.2019.g.), s ciljem definisanja i planiranja konkretnih koraka neophodnih za organizaciju i realizaciju izrade ovog značajnog strateškog dokumenta. U toku su pripreme aktivnosti i radnje oko formiranja i imenovanja članova Radne grupe i KOR-a, kao stručnog, multidisciplinarnog tima za oblast turizma, koji će pristupiti izradi Strategije u najkraćem roku.



Dostaviti:

- Skupštini Kantona Sarajevo
- Vladi Kantona Sarajevo
- a/a



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

